



海樵子序

海樵子七篇。起人則七發。薰人則
七年之艾也。後雋有舌無骨。竊笑
朽腐。彼蝶之浪采于衆香。螢之流
照于空翠。不皆朽腐之擢靈乎。蓋
人。不。見。道。雋。氣。必。薄。慧。光。不。開。語。

海樵子月
朝艷而夕稿。味甫飴而遂酸。海樵
子以雋氣釀道腴。走筆作風霜氣。
堆紙作金石氣。立言人間作河嶽。
氣後雋以氣相衡。舌本俱強。元氣
消盡矣。然今之爲語者。固花間弱
女。抱錦琵琶。唱曉風殘月。挑動風

流○之○淚○作○逢○年○伎○倆○若○欲○起○千○古○
賢○聖○如○六○丁○之○下○視○卽○磨○鐵○百○年○
張○髯○瞪○目○不○能○續○了○漢○半○語○何○如○
借○海○樵○以○爲○杖○爲○凡○語○扶○顛○借○海○
樵○以○爲○丹○爲○凡○語○點○化○借○海○樵○以○
爲○燈○爲○凡○語○破○暗○借○海○樵○以○爲○水○

爲凡語。汙淫儼然人望而畏之。學
究先生仙。仙乎凌雋氣而上矣。

仙臞何偉然題

廣快書卷十二

西湖何偉然仙臞纂

延陵吳從先寧野定

海樵子

選澶淵王崇慶本

道。器。有。顯。微。無。先。後。

神。而。會。之。存。乎。默。故。默。者。道。之。門。

體。有。具。而。缺。用。情。有。生。而。不。累。其。造。化。之。微。權。
與。是。故。瞽。人。缺。視。聾。人。缺。聽。瘖。人。缺。言。跛。人。缺。

動。惟。缺。視。故。天。下。之。美。色。無。施。焉。惟。缺。聽。故。天。下。之。淫。聲。無。入。焉。惟。缺。於。言。動。故。天。下。之。利。口。無。效。焉。天。下。之。快。四。肢。者。無。伸。焉。

復之一陽曰。朋來无咎。憂孤立也。姤之一陰曰。女壯勿取。防漸長也。

陽行則陰受之。故陽之道樂與陰之道樂取。

天地有自然之聲。聲偕其自然則和矣。是故君子。和德而後樂作。

君子辭以昭意。意以達道。辭不可訓。則意不可得而發也。意不可發。則道不可得而會也。故君子慎辭而藏意。

夫聖天下之至化也。德行恒神以效天。夫賢天下之至大也。德行恒美以法地。

我好衆惡。我憂衆樂。故天道常孤。

天地交而萬物生。賢人出而萬化行。故大易以天地閉。賢人隱爲恐。

方其法之立也。自我爲之。及其法之行也。我亦制於法矣。方其教之推也。自我明之。及其教之定也。我亦安於教矣。

其遭不困。則其發不猛。其身不窮。則其辭不暢。牛山之沾衣。峴山之垂泣。雍門之流涕。未之達命也與。是故仲尼之將亡也。曳杖而歌。庶幾者堯夫乎。

有虞氏用璿璣示民。知天也。殷人尚鬼示民。知

祖先也。周人酌古尚文示民。知變也。

交淺而望厚。微而論危。才劣而責重。鮮不失矣。
鬼道之盛。其人道之衰乎。

陽之體員。用方。故其動也直。陰之體方。用員。故
其靜也闢。

惟義理微如秋毫。故心不可粗。惟義理昭如日
星。故心不可昧。惟義理坦如道路。故心不可險。
或問才難之說。應之曰。夫才莫大乎陰陽矣。故

陰陽者。理之用也。人得之而爲才。以行德也。是故陽之用奇。雖九人鮮焉。陰之用偶。雖一婦人多焉。其斯以爲才難乎。

正人之聰明其神乎。邪人之聰明其鬼乎。

古人所謂氣機。言鼓舞人心之道也。是故渡江之擊楫。陽門之吊卒。睢陽之哭像。其諸知此道與。

夫陽不固不施。陰不充不化。所謂萬物化醇。

讀易而至乾坤。曰。嗟乎。是伏羲所以陽陽而陰陰也。淵乎奧矣。讀書而至二典。曰。嗟乎。是堯舜所以君君而臣臣也。道自此章矣。讀詩而至二南。其周之所以興與。性情之至也。文王之德也。讀春秋而至昭哀。周其微哉。魯之元氣亡矣。雖有王教。其誰行之。吾乃知尼父之悼。不俟獲麟也。讀禮而至樂記。曰。和而密。暢而雅。大而中。曲而不隱。易而不辟。廣而不散。深而有本。先王之

化神哉。圖治者執此以往而已。

千百年必有大人興。故大人之相契常間世。而至道相傳必神會。

忠莫如堯舜。質莫如堯舜。文莫如堯舜。三代各得其一而已。

君子之心如溫泉。小人之心如堅冰。是故投堅冰於溫泉。鮮不化矣。

心之靈氣常與天通。故心誠而格天。

天元氣也。人形氣也。惟元氣故公而易感。惟形氣故私而難格。是故匹夫激霜。孝婦致雨。言感通易也。若乃鬼方之伐。曰三年。苗民之逆命。曰三旬。則感化難矣。故公易感私難格也。

立天下之命。存乎農。決天下之疑。存乎卜。寄天下之死生。存乎醫。夫三者。天下之大端也。先王之所不敢後也。子夏所謂小道。豈真謂是也哉。父兄門祚子弟之不幸也。是故史有陶昂之戒。

書有世祿之訓。然則柰何。曰。積學力行。以求無愧而已。不然。吾見其難免也。

始之以嚴。終之以寬。則人心悅矣。始之以寬。終之以嚴。則人心怨矣。嗚呼。寬嚴之先後。爲政者可以觀矣。

潛而孚。化成也。默而含。神格也。範而圍。民治也。古之聰明而不欺者與。

或問善者福。天有心乎。曰。未也。夫善。陽之屬也。

然而福自從矣。又問淫者禍。天之心乎。曰。未也。夫淫陰之屬也。然而禍自應矣。所謂各從其類者也。

不知變。無以爲常也。不知哀。無以爲樂也。不知藏。無以爲行也。

天下之大可畏。莫甚乎不情之交。而其至可惡。莫如無根之毀。始之交也。以不情。終之毀也。以無根。由是朋友之道。或幾乎息矣。

古之君子其難進也。有三道垂乎流俗。則人幸其藏。學準乎先王。則世病其泥。志果於自守。則衆惡其異。

君子發蘊。所以伸道也。昌辭。所以成物也。卓行。所以範邦也。

德茂而言暢。人定而天孚。其君子自得之時乎。夫衛古之大國也。自季札入衛。人始知多君子焉。夫周禮古之大典也。自宣子適魯。世始盛傳焉。

周禮矣。嗟乎。君子不易達。名物不易章。與。
交際之道五。所以行之者一。是故仁之交際主
乎愛。義之交際主乎嚴。禮之交際主乎敬。智之
交際主乎通。信之交際主乎誠。夫五者之行。時
爲大。

夫六經者。聖人以正天下之志。以禁天下之欲。
以開天下之業。詩易春秋之教員。而神書禮之
教方以實。聖人以此治心。藏諸淵默。

知人難。是以知已難。

書云。民之所欲。天必從之。欲之正也。所謂欲而不貪者也。不然。天且厭之。而又安望其從。

唐之六典。其法周官乎。然而其事屑。其文濫矣。是故事屑則匪要。文濫則匪經。如之何其比周官也。或曰。李林甫成之。

常觀魚於盆盎之間。浮者八。潛者七。謂門弟子曰。吾於是而得養生焉。潛其生。浮其死。未達曰。

潛氣藏。浮氣揚。

少常神仙乎。慕及行年五十。乃喟然感焉。彼一其氣。吾一其道。吾何以神仙爲。

楊雄太玄。新室之罪章。與徐幹中論。魏武之墓書。與。故君子道修而後立言。

天之六陽。藏於九地。人之六陽。藏於二腎。故雷地曰復。精腎曰命門。

陽動而闢。故能藏往。陰靜而翕。故能知來。是故

藏往者健也。知來者順也。

喘息不獨通於親。亦通於天。故仁孝同條共貫。
氣無止息而有依附。

飛騰變幻之術。不足以濟世。茫昧怪奇之物。不
足以利用。故聖人以常道教民。明王以用物成
治。

或問漢時有女恃貌而不賂畫工。海樵子曰。女
恃其貌。士守其身。其致一也。不賂畫工。正也。猶

之不枉已也。嗟乎。昭君女子耳。有君子之道而
不以善終聞。宜士之不遇者衆也。

夫和光以同塵。士之耻也。特立而獨行。衆之怨
也。故君子和而不流。羣而不黨。

聖人所亡者形也。所不亡者道也。不然。文王在
上。於昭於天。無亦怪甚也乎。

海樵子

卷十二

九

玉笑零音序

玉笑零音者何。或指天公與玉女
投壺樂而脫誤。天爲之笑。尚有零
音耶。此電影也。卽才能逐電無音
可譜。乃從紙上流電光。不知玉女
笑容何似。但聆紙上音。衆齒爭啟。

似○乎○軍○人○粲○然○而○笑○也○緣○情○而○生○
似○乎○聞○長○安○樂○西○向○而○笑○也○觀○者○
情○亂○似○乎○惑○陽○城○迷○下○蔡○嫵○然○一○
笑○也○變○幻○無○端○似○乎○賈○弼○夢○易○其○
首○作○半○面○笑○也○邀○言○爲○利○似○乎○劉○
伯○龍○避○鬼○所○笑○也○恣○興○所○至○似○乎○

陸○士○龍○水○中○見○影○之○笑○也○正○法○相○
示○似○乎○釋○伽○佛○拈○起○一○花○迦○葉○見○
而○微○笑○也○開○言○明○朗○似○乎○藥○山○和○
尚○登○山○徑○行○見○月○大○笑○也○笑○音○之○
所○零○落○于○衆○笑○者○不○啻○一○玉○女○也○
恐○玉○笑○之○肯○未○得○也○

王...
...
...
...
...

二

仙臞何偉然題

廣快書卷十三

西湖何偉然。仙臞纂

延陵吳從先。寧野定

玉笑零音

田子菴元本

鵬運扶搖。不知遊于天外。蝨逃縫絮。不求出乎
禪中。居化有宜。適真各得。

華渚流虹。虹非淫氣。有窮射日。日豈陽精。

柱梁衣繡而士寒。咎犯切中晉文之病。鼠壤餘

粒而妹棄。成綺奚知李耳之仁。

心全者以身爲朽骨。神超者以心爲死灰。魄玄合者以神爲礙影。

神龍無鰕卵。靈鳳無孽雛。白狗不能產騶虞。黃狼不解變天祿。

禦寇好遊。壺丘曉之以內觀。宋綰好遊。孟氏語之以尊德。德尊則高而俯物。觀內則明而燭人。酷刑爲櫛。則蟣落黔黎。巧譖爲鈞。則魚餒臣妾。

故王櫛之以禮。梳之以樂。釣之以義。網之以仁。上善若水。有時而作惡。貞心如石。有時而目開。是以怒動情。瀾喜開欲竇。

詩人以素餐爲譏。商君以荒飽爲懼。

使勲華而爲巢許。則丹商之惡不彰。使癸辛而爲輿臺。則禹湯之澤不斬。

雷無偏擊。日無私燭。使編首而擊之。則豐隆亦褻矣。推戶而燭之。則羲和其勞乎。擊因邪召。燭

王笑學音 卷十三 二
以虛來。虛納天光。邪基天戾。

伊尹亡而沃丁葬以天子之禮。周公封而成王
賜以天子之樂。棄天下尚爲敝屣。假禮樂豈爲
虛文。生前生器。或惜繁纓。死後功勲。何難隧道。
心如天運。謂之勤。心如地寧。謂之慎。天匪勤則
不能廣運。地匪慎則不能久持。乾之自強。天心
也。坤之厚載。地心也。

忘名之士。能棄萬乘之君。好名之人。能輕千乘

之國。

陽鱗迎吏。宓子爲之長揮。猛狗齧人。韓非因之
並歎。

景陽入井。麗華逐。狎客何在。庭花空。厓山蹈海。
白鵬從。丞相猶存。衍義進。君臣兩失。禽色同荒。
士苟潔心。無假浴于江海。女能飭體。何必競其
黛朱。

觀文未及。李生歎。愈老不休。韓子悲。

王集卷之三
劉累參夏后之龍。孔甲醢鱗而龍逝。孟虧馴虞氏之鳳。夏民食卵而鳳翔。

五府靈而中天之臺以建。六府流而方寸之地乃空。

以軒乘鶴。衛國謂之不君。以車載獫狫。周家名爲賢主。

女冠男冠。妹喜亡國。男服女服。何晏喪軀。

子雲注情于綿竹。非楊莊無以上宣。相如立譽。

于子虛。非得意莫能自薦。

師開鼓琴。以東方西方之聲。而知朝夕之室。子
野吹律。以南風北風之辨。而測勝負之軍。

女樂歸而魯削。巫音作而楚衰。漢飾伎以祭郊。
唐藉倡以供御。

尚父戒罔念。魯叟悔徒思。惟克乃作聖。非學亦
成章。

果有人面之名。仁者不餐其肉。里有狗葬之號。

孝子不瘞其親。

梁山壅河。三日不逝。晉景公素縞哭之。而水流。
海潮擊岸。百里爲墟。吳越王強弩射之。而潮息。
是伯鯨之智。不及于輦夫之言。而神禹之功。僅
等乎鐵箭之力。

鮑魚小鮮。呂涓不登于太子。邪蒿惡菜。邢峙不
進于儲君。爲傳者貴謹其幾微。養德者在慎其
飲食。

師寒而楚子拊之。三軍暖如挾纊。兵渴而曹操
譖之。萬衆津若餐梅。

董仲舒睹重常之鳥。劉子政曉貳負之尸。實沉
臺台。非鄭僑之博物。不能言。龍見絳郊。非蔡墨
之明。占莫能禦。雖稟生知之質。亦資好學之功。
隼雖鷙。不能以攫鳳。虎雖猛。不能以搏麟。

王道通衢也。伯道支徑也。三代以上由通衢。其
功緩。三代以下由支徑。其效速。噫。通衢日荆棘。

矣。

耕男之織也。今之業耕者。毀其鋤犁。而誨其子以淫。是何也。古之耕織也。得飽煖。而今之耕織也。饑寒困之矣。耕織反不若淫盜。噫。是孰使之然哉。

文王伐崇而韞係解。自結之而弗役其所與處。君道也。武王伐紂而韞係解。五人在前而莫肯結。臣道也。周之君臣兩得之矣。自是而下。君將

自結邪。臣將結之邪。一舉足而見之矣。
楊朱泣岐路。阮籍泣窮途。一以悲道之多端。一
以悲道之不達。

周監于二代。郁郁乎文哉。吾從周。殷已慤。吾從
周。然則文果勝慤矣乎。慤悲殷之初也。文非周
之末也。

楚莊納伍胥之諫而罷淫樂。齊威悟淳于之諷
而行誅賞。易曰。冥豫成有渝。无咎。言人君貴信

賢而改過也。名之曰莊威。不亦宜乎。

龍負夏禹之艇。卒治水而窆衣。蛇遶衛君之輪。遂投殿而伏劍。

陽君道也。故尊而難對。陰臣道也。故卑而喜應。九疇之凶。生于難奇也。八卦之吉。生于應偶也。風行天上。動萬物者。莫疾乎風。水行地中。潤萬物者。莫疾乎水。故生者之擇居。死者之擇穴。皆

莫離乎風水也。

治世不能無淫祠。正人未嘗有淫祠。
潮汐之盛縮。因月之盈虛。古語如是。誰則驗之。
吾觀于魚腦之光滅而信之矣。蓋魚鰕水畜也。
水者月之液。月者水之精。陰氣之以類相感者
也。

管晏之文。無鹽醜女也。雖醜而有益于國。莊列
之文。西施美婦也。雖美而無裨于世。

文勝而周衰。清談而晉敗。道學盛而宋亡。國無

實也。

拘儒不可與談玄。腐儒不可與論道。

鰲載山而水居。螳負粒而陸遊。大小之樂均也。
虵委腹而緩步。蜥百足而疾行。有無之勢一也。
孰重孰輕。孰多孰寡。孰勞孰逸。理之各足焉耳。
天本明。雲蔽之。心本明。欲蔽之。雲散欲消。天心
同澈。雲錮欲鉗。天心同閉。

鸚鵡之勇能奪菓。終貽竊位之恥。蛄蟻之智能

轉丸卒蒙穢飽之羞。泰伯逃荆。夷齊采薇。醜此
故也。以人治人。孔子之教也。以心印心。佛氏之
教也。聖人見道不遠人。故曰道不可須臾離。可
離非道。至人見道不外心。故曰離道別覓道。終
身不見道。人卽心也。心卽人也。天道一而已矣。
禽之集也。翔以擇木。獸之走也。挺以擇蔭。人之
處也。審以擇居。翔以擇木。可以遠矰弋。挺以擇
蔭。可以遠陷穿。審以擇居。可以遠刑辟。

三才圖會 卷十三 八
惡土雖善種不生。善土雖惡種不死。良農擇地而種。君子擇人而施。

智者之納言也。如以水沃燥沙也。昏者之拒諫也。如以水澆鎔金也。以水沃乎燥沙。吾見其順受矣。以水澆乎鎔金。吾見其騰沸矣。非水之異也。投之非其所也。非辭之殊也。告之非其人也。有千里之馬。而無千里之御。不能獨馳也。有千里之御。而無千里之芻豢。不能久良也。善其芻

參者主也。善其御者牧也。如是而不千里非騏驥也。

忍大師曰。死生大事。禹。回。生。寄。死。歸。莊。周。曰。生。浮。死。休。知其爲大事。則人固不可輕于生死。而忽之。知其爲寄歸浮休。則人亦不可重于生死。而惑之。如是可爲了死生者。

蝨斯春黍。雖不足以濟饑。而惰農媿矣。莎雞促織。雖不足以濟寒。而懶婦驚矣。丹鳥挾火。雖不

足以濟昏而暗。行懼矣。嗚呼。其諸造物者自然。
之治乎。沉檀之木。不適用于穉生。豫章之材。不
可琢于旣朽。何則。物有不同。時有所宜也。
虎豹驅羊。孰不憐。豺狼驅民。孰能愍。

罪春秋于當時。仲尼不得已也。期子雲于後世。
楊雄其如何哉。

雖有金鐘。擊以金挺。其聲必裂。雖有仁主。輔以
仁臣。其治必弱。扣金鐘必以木鎚。佐仁主必以

義士。權會莊誦易卦。而卻乘驢前後之鬼。徐份

詭誦孝經。而愈陵父。危篤之疾。

會北齊人
份陳人

猛虎之勢。奮于一撲。三軍之氣。作于一鼓。

麒麟麋鹿。有角同也。然麒麟不能爲麋鹿之解。角。君子小人。有心同也。然君子不能爲小人之易心。繩之生也曲。其用也必直。人之生也直。其用也或曲。

句踐鑄金于少伯。君子謂之貌臣。貫休鑄金于

王笑零音 卷一 三
賈島。君子謂之心師。

王右軍之書。五十三乃成。高常侍之詩。五十外始學。

阮籍之放。見稱于司馬。稽康之和。致忤于鍾會。晉公之度。征西之禍。于此見之矣。

蘿薦依松林。可以延百尋。青蠅附驥尾。可以致千里。其爲依附則得矣。而如仰高居後何哉。

堯舜之愛身。甚于愛天下。故讓天下于許由。務

光而不愠。許由務光知其害。故不受天下。以完其身。堯舜之愛天下。不如愛子。故不以天下與丹朱商均。朱均非不肖也。何以故。讓天下與舜禹而不爭。不賢而忍之乎。舜禹不知其害而受之天下。故有蒼梧會稽之禍。不得死于故居而死于逆旅。不得死于中國而死于四夷。展禽忍于三黜。在今人則爲之貪位慕祿。屈原甘于九死。在今人則爲之病狂喪心。

吳起吮一人之疽而鄰敵却。段煩裹一人之瘡而西羗平。子罕哭一夫之亡而宋國安。私恩小惠。三代以下。皆是道也。今此之不能爲將之道。何如。

晉文公二豎入于膏肓。扁鵲識之。秦孝王崔妃入于靈府。許智莊識之。非察其疾也。乃診其心也。

樂布祠彭越。不忘奴主之情。廉范歛廣漢。實切

師生之義。

良匠之目。無材弗良。聖主之目。無臣弗聖。非材之盡良也。大小各有所取也。非臣之盡聖也。內外各有所使也。

雞鷩雄峙。犬猛專牢。強弱之不敵也。螳勇兼埴。蜂策攻窠。衆寡之相凌也。據勢以獵。馮力以角。其諸春秋戰國之君也。

孔子以死喪之道爲難言。重陰道也。孟子以浩

王笑雲吉 卷十三 三
然之氣爲難言。重陽道也。然則終不可言與。曰
原始反終。故知死生之說。

形如稿木。不死之真心。如穀種。長生之仁。死生
不測造化之神。

防細民之口。易。防處士之口。難。得丘民之心。易。
得遊士之心。難。此七國所以懼橫議而暴秦所
以令逐客也。

象以齒焚。犀以角斃。猩以血刺。熊以掌亡。貂以

毛誅蛇以珠剖。鼈斷尾以纓。孤分腋以白。龜鑽
甲以靈。麝噬臍以香。故曰禽獸無辜。懷寶其害。
匹夫何辜。懷璧其罪。嗟夫。罪在懷璧。固已矣。攘
人之璧。而自抵于罪者。獨何與。

地以海爲腎。故水鹹。人以腎爲海。故溺鹹。
以熱攻熱。藥有附子。以凶去凶。治有干戈。善用
則生。不善用則死。

若網在綱。挈繩者君。如錐處囊。脫穎者人。

人之初生。以七日爲臘。人之初死。以七日爲忌。
一臘而魄魄成。故七七四十九日而七魄具矣。
一忌而一魂散。故七七四十九日而七魂泯矣。
易曰。精氣爲物。遊魂爲變。故知鬼神之情狀。
微言絕耳。顏遠嘆別于歐陽。鄙吝萌心。仲舉思
見乎黃叔。

君子之異于人者道。同于人者貌。

冬江而夏山。公閔休之安宅也。地棺而天椁。逍

遙子之大葬也。

西伯澤及枯骼而大老雙歸。燕昭價重死骨而駿馬三至。

日駒過隙。魏豹具感于人生。飛鳥過日。張翰愁思乎瀛海。

大禹入褻國而不衣。泰伯適荆蠻而披髮。父母之遺體有時而自殘。衣冠之盛儀因地而或廢。仲尼擊槁而歌。焱風仁可以充饑也。曾參曳履。

而歌商頌。義可以禦寒也。

分人以道謂之神。分人以德謂之聖。分人以功謂之公。分人以利謂之私。

田子見玉食。感然曰。弗饑。斯可矣。見錦衣。顰然曰。弗寒。斯可矣。見華屋。愀然曰。弗露。斯可矣。毋玉爾食。而玉爾儀。毋錦爾衣。而錦爾心。毋華爾屋。而華爾德。惟儀之玉。以振天下。惟心之錦。以文天下。惟德之華。以覆天下。故君子去彼取此。

王生以結襪而重廷尉。汲黯以長揖而重將軍。
吳雄不擇封葬而三世廷尉。趙興故犯妖禁而
三葉司隸。陳伯敬終不言死而年老見殺。
學非誦說之末也。行而已。政非文飾之具也。實
而已。王非治安之迹也。化而已。化者其帝乎。皇
則神矣。

有一卿一國。天下之量斯能受一卿一國。天下
之善。故曰。量者量也。量其多寡而受之也。

田真三人共爨。婦析紫荆之幹以圖分。劉良四世同居。妻易庭禽以雛以求異。故齊家者先刑其室。正內者必絕其私。

倉庚爲炙。可止妬婦之心。鳳凰爲羹。難化忌士之口。

太公誅狂獮華士。周公非之而下白屋之賢。放勳容驩鯨共苗。重華矯之而正四裔之罪。

徐景山畫生鯢而執白獺。放挫啼懸歿鼠而釣

大雕。畫鯢其冠裳乎。懸鼠其爵祿乎。嗚呼。悲夫。
孔子歷諸侯七十二聘。而不遇一主。乃思九夷。
老子歷流沙八十一國。而化被三千。遂忘中夏。
倚牆之木。盜之橋。倚床之僕。姦之招。

周旦作金縢以祈天命。君子以爲呪詛之媒。夏
禹鑄鼎象以辟神姦。後世遂有厭鎮之術。

亡國之社。上屋而下柴。絕于天地也。敗家之子。
覆祀而滅嗣。絕于祖宗也。

王笑學音 卷一 三 十六
心○靈○匪○形○故○天○地○不○能○役○而○人○反○以○利○祿○役○其○
心○心○虛○匪○氣○故○陰○陽○不○能○運○而○人○反○以○喜○怒○運○
其○氣○此○心○之○所○以○不○能○不○動○也○盡○心○者○虛○存○心○
者○靈○

祭○葬○厚○而○奉○養○薄○末○世○之○孝○子○也○承○順○過○而○弼○
拂○微○末○世○之○忠○臣○也○事○生○孝○之○先○犯○顏○忠○之○大○
琴○瑟○合○調○夫○婦○之○所○以○諧○音○塤○箎○一○節○兄○弟○之○
所○以○同○氣○黿○鳴○而○鱉○應○兔○死○則○狐○悲○

人之爲學。四書其門牆也。五經其堂奧也。子史其廓廡也。九流百家其器用也。居不可以不廣。學不可以不博。舉業錮而居隘。語錄倡而學荒。有子如龍虎。不須作馬牛。有子如豚犬。何須作馬牛。

涪水雜江水。蒲元能辨其性。故淬劍精。石城雜南泠。德裕能辨其味。故煮茶美。

京師元帝爲周圍。尚談老子之旨。海島宋君爲

元逐。猶講大學之章。腐臣朽主。自取滅亡。神謨
聖訓。何裨解禳。

天地施恩于萬物。而不望萬物之報。吾是以知
天地之大。父母施恩于子孫。而不望子孫之報。
吾是以知父母之大。天爲嚴父。地慈母。少極吾
宗太極祖。巍巍乎其功德。蕩蕩乎其難名哉。
腐鼠墮而虞氏亡。狹狗逐而華臣走。孽雖由于
自作。釁實起于不虞。

欲治疑獄。鮭觥解觸。咎繇碌碌。若濟大師。倉光
實危。尚父嗤嗤。光一作兕

敗歲皆莛形菜色之民。而通都有吞花臥柳之
司牧。防秋多夢妻哭子之士。而幕府有歌兒舞
女之將。軍民欲不流得乎。士求不叛難矣。

善富者羞德之不積。不羞金之不積。善貴者恥
德之不夥。不恥祿之不夥。德以聚金則滿不撲。
德以居祿則鼎不顛。

王笑雲音 卷一 三 六
蘇子瞻作殺雞之疏。非吾儒之仁。張乖崖轉割
羊之經。乃異端之義。

用良匠者必胥良材。用大賢者必胥大位。無良
材則良匠不足以成器。無大位則大賢不足以
成治。臨廁而情容非顏閔之德。膺刃而回慮非
關比之忠。

君子寢義而夢榮。小人寢利而夢辱。是故寢薄
冰者夢溺。寢積薪者夢焚。

乾蓋西旋。故二曜輪運。坤輿東轉。故百谷馬奔。
暮沒而朝升。同此日也。天不更則日亦不更。左
注而右浮。同此水也。地不耗則水亦不耗。

民無百里之名。士無千里之名。仲尼所以來鳳
狗之誚。民無百里之友。士無千里之友。林宗所
以叢黨錮之災。友者人之所憎。名者天之所忌。
三皇不期皇而皇。五帝不期帝而帝。三王不期
王而王。期皇不皇者。始皇也。期帝不帝者。東帝。

也。期王不王者。霸王也。

以蛙黽當鼓吹。孔蛙之志。初不在于清音。以蟋蟀代簫管。道賁之聲。實有契于定慧。

詩因鼓吹發。桓玄耳入而心通。筆以鼓吹神。張旭得心而應手。

珠雖泐。不失爲寶。莠雖喬。不失爲草。寧爲回天。毋爲蹠老。

江河若決。神禹不能挽其流。井田旣開。周公不

能復其界。地利有宜。人事有時。

日月不以陰霾而改其升沉。聖賢不以昏亂而變其出處。有常度。萬物仰有常德。萬民望。

建律者君。行律者臣。守律者民。

以道爲筭。則士游祥麟。以德爲籠。則士來瑞鳳。以功爲罟。則士投猛虎。以利爲藪。則士奔狂狗。梓慶鑿成而疑鬼。靈芸鍼妙而驚神。聖道散于游藝。天巧喪于工人。

王笑愚音 卷十三 三
狂以全身。君子也。狂以殺身。小人也。被髮箕子。
昌。罵坐灌夫亡。接輿陸通免。捶杖正平殃。五子
歌不慧。仲尼思中行。

日閑輿衛。何難乎良馬之逐。不離輜重。豈憂乎
終日之行。利往基于具備。喪握本于持輕。
月不暇照。雲火升梯。雨不及施。氷輪灌隴。
笑之頻者泣。必深。生之急者亡。必疾。

天鑄萬物。聖人鼓之。天蘊至文。聖人詁之。鑄非

鼓則器將鹽。蘊非詒則文不宜。

王笑零音

卷十三

三





